

皇明世說新語

皇明世說新語目錄

卷之一

德行

言語上

卷之二

言語下

文學

政事

卷之三

方正

雅量

識鑒

卷之四

賞譽

品藻

規箴

捷悟

卷之五

夙惠

豪爽

容止

自新

企羨

傷逝

棲遲

卷之六

賢媛

術解

巧藝

寵禮

任誕

卷之七

簡傲

排調

輕詆

卷之八

假譎

黜免

儉嗇

汰侈

忿狷

讒險

允悔

紕漏

惑溺

仇隙

共三十六篇一千五百一十事

皇明世說新語目錄終

許公入交關生氏
附名公本關女氏

惺所許樂善 伯生陸應陽 七澤張所望

完三杜士全 咸甫馮大受 眉公陳繼儒

伯還朱本淳 侗初張鶴 景和朱本洽

彥恭杜士基 伯復張簪顏 仁甫林有麟

神超姜雲龍 弟峻甫凌雲

附釋名

徐達亦稱太傅亦稱中山王

宋濂字景濂號潛溪亦稱文憲

劉基字伯溫亦稱誠意亦稱文成

方孝孺亦稱正學亦稱遜志亦稱希古

僧道衍字斯道亦稱少師亦稱姚廣孝

楊士奇亦稱文貞亦稱東楊亦稱東里

楊榮亦稱文敏亦稱西楊

楊溥亦稱文定亦稱南楊亦稱石首

胡濙亦稱忠安

夏原吉亦稱忠靖

解縉字大紳

楊翥字仲舉

周忱字恂如亦稱文襄

王翱號九臯亦稱忠肅

劉大夏亦稱忠宣

于謙亦稱少保亦稱肅愍

韓雍亦稱襄毅

李時勉號古廉亦稱忠文

朱希周亦稱恭靖

薛瑄號敬軒亦稱文清

徐有貞初名理亦稱武功亦稱天全翁

張寧亦稱汀州

李賢亦稱文達亦稱南陽

毛澄亦稱文簡

劉健字希賢亦稱文靖

蔡清字介夫號虛齋

謝遷號木齋亦稱文正

李東陽號西涯亦稱文正亦稱長沙

許進亦稱襄毅子誥稱莊敏讚稱文簡

商輅亦稱文毅

陳循號芳洲

郭登亦稱定襄

余子俊亦稱肅敏

王恕亦稱端毅

程敏政號篁墩

陳音字師召號愧齋

楊繼宗字子器

章綸亦稱恭毅

丘濬字仲深亦稱文莊

山雪亦稱襄毅

吳與弼號康齋亦稱昉君

崔銑字子鍾

劉鉉亦稱文恭

張元禎字廷祥

王越字世昌亦稱威寧

王直亦稱文端

劉球亦稱忠愍

廖莊亦稱恭敏

羅欽順號整菴亦稱文莊

陳獻章號白沙

劉定之字主靜亦稱文安

莊杲字定之

楊守陳亦稱文懿

何孟春號燕泉

儲瑾號柴墟亦稱文懿

邵寶字國賢號二泉亦稱文莊

桑悅字民懌

呂柟字仲木號涇野

魏驥亦稱文靖

呂原字逢原亦稱文懿

陳選亦稱恭愍

章懋號楓山亦稱文懿

林俊號見素

王鏊號守溪亦稱文恪

楊一清號邃菴又號石淙亦稱文襄

蔣瑞亦稱恭靖

周經亦稱文端

張弼字汝弼號東海

吳寬號苑齋亦稱文定

費宏號鶩湖亦稱文憲

梁儲亦稱文康亦稱厚翁

錢福號鶴灘

何喬新字廷秀亦稱文肅

楊廷和號石齋

胡世寧亦稱端敏

孫燧亦稱忠烈

張敷華亦稱簡齋

王守仁號陽明亦稱文成亦稱新建

王瓊號晉溪

舒芬字國裳

徐禎卿字昌穀

楊慎字用修號升菴

李夢陽字獻吉號崆峒亦稱北地

何景明字仲默號大復亦稱陽

薛蕙字君采

張愈光號禺山

都穆字玄敬號南濠

梁材號儉菴

董玘號中峰

霍韜號渭崖亦稱文似

張孚敬初名璉號羅峰亦稱文忠亦稱永嘉

桂萼號古山亦稱文襄

陸深號儼山亦稱文裕

嚴嵩號介溪亦稱分宜亦稱相嵩

夏言號桂洲亦稱文愍亦稱貴溪

徐階號存齋亦稱文貞亦稱華亭

鄭曉號淡泉亦稱端簡 顧璘字華玉號東橋

楊博號虞坡 孫承恩號毅齋亦稱文簡

王廷陳號夢澤 陸粲字子餘號貞山

趙貞吉號大周 唐繼號一菴

王維禎號槐野 鄒守益號東廓亦稱不莊

屠應峻號漸山

薛應旂號方山

羅洪先亦稱文恭

唐順之字應德號荆川

陸樹聲號平泉亦稱管保亦稱宗伯

沈鍊號青崖

楊爵號斛山

楊允繩號抑齋

楊繼盛號叔山亦稱忠愍

沈周字啓南號石田

唐寅號六如

徐霖字子仁號崑仙

祝允明號枝山

文徵明字徵仲號衡山亦稱太史

李攀龍字于鱗號滄溟亦稱歷下

王世貞字元美號鳳洲亦稱司寇

李春芳亦稱文定亦稱興化

徐中行字子與
張居正號太岳亦稱江陵

汪道昆字伯玉
申時行號瑤泉亦稱吳門

張佳胤字肖甫
王錫爵號荊石亦稱太倉

張九一字助甫
張位號洪陽亦稱豫章

王世懋字敬美號麟洲
周恩兼字叔使號萊峰

吳國倫字明卿

鄧以讚號定宇亦稱文潔

鄧元標號南阜

李多見號思弦

屠隆字長卿

馮夢禎號其區

陶望齡號石簣

袁宏道字中郎亦稱石公

熊劍化字神阿號際華亦稱令君

江盈科號晴渌

孫一元字太初

盧楠字次樞

沈明臣字嘉則

謝榛字茂秦

俞允文字仲蔚

三曰言新言

莫雲卿字廷韓

王寅字仲實號十嶽

陳繼儒號眉公

先君字元慶號中條

編中名姓一足君不在釋名之例

聖賢世說新語卷之一

雲間李紹文節之重刊

德行

太祖召宋濂問廷臣臧否第言晉有復讐不忠者爲誰
濂曰其善者與臣交臣故知之其否者縱有之臣
不知也卒無所毀

浦江鄭氏十世勿異爨食指千餘人田賦各有所司
出納絲毫無敢私者諸婦事女工不與家政子孫

訓行孝謹家蓄兩馬一出則一爲之不食入國朝
日濟曰洧曰濂曰湜皆以行誼聞上召見問治
家長久之道對曰守家法而已

宋潛溪臨財廉嘗大書其門曰寧以忍餓死不可以
苟利生

方遜志嘗臥病絕糧家人以報輒曰古人有三旬九
食甌無儲粟者窮豈獨我哉相與大笑而止

方希古磔于市膚骨碎暴詔弗得收其門人某毀像

密裝風顛乞于。詭咲方肉。謬擲方骨。且笑且歸。僕
聞則竊遺骸注于囊。而密瘞之。

宋文憲不置田宅。或勸爲子孫計。曰。貧富豈一家物。
哉。吾乃所以遺之也。

楊榮從。文皇北征。與胡廣金純金。幼孜逃矢道入。
窮谷中。幼孜墮馬。胡金二公不顧而去。公下馬爲
勉。終不數步。幼孜復墮馬。鞍蓋裂。公卽以所乘
馬授之。自乘驢馬。從夜至旦。不勝其疲。翼日謁。

上幼孜備奏 上嘉公之義公謝曰僚友之分詎
所宜然 上曰廣獨非友耶何不顧而去也

夏忠靖夜閱文書撫案嘆息筆欲下而止者再夫人
問之公曰吾適所批書歲終大辟奏也筆一下死
生決矣是以慘沮筆不忍下

夏忠靖公與同列飲于他所夜歸值雪過禁門有欲
不下馬者公曰君子不以冥冥懈行

兵侍徐晞少爲吏有戍絕勾丁而誤及者其人祈脫

貧無可餽具酒食令妻觴而出避之時絕糧而走
徹夜具文移竟脫之明日向其人曰汝何至此
薛瑄致政歸絕糧子悖私慍曰人家好好作官他處
退休受困誰怨瑄聞之曰我雖困而道自亨也
胡居仁家貧甚鶉衣簞食處之泰然或爲之慮則曰
以仁義潤身以才德潤屋足矣

夏竦嘗語坐客曰君子有三惜此生不學一可惜也
此日閒過二可惜也此身一敗三可惜也

楊文懿公守陳泊然自處未嘗求進權貴重其賢欲
援之使所親諭意守陳謝却之曰吾猶嫠婦也守
節三十年今老矣豈白首而改節耶

陳壽延撫延綏與虜戰三勝或諷壽注子翁姓名戰
籍中當有功賞壽曰吾子弟皆不諳弓馬竟不許
蔡虛齋嘗卽其臥處自題云命好德不好王侯同腐
草德好命不好類淵任窮

邵夷莊嘗云願爲真士夫不願爲假道學

世德云晉人后常處困好頌伯夷寂靜餓于首陽之
下凡至于今稱之語便覺自警拔不爲窮困所撓
雖在江西巡撫經泰和念陳芳洲爲舉主躬爲墓
下泫泫不已曰士爲知己者死何能報也

劉文恭懿家訓甚嚴子潛舉進士使南方戒之曰見
利無苟得也比還閱其衣篋乃喜曰無玷吾門矣
疑其部家服除官補三月餘不報或謂公不當有所
遺請耶公笑曰我一款段馬不數步而僵且歸矣

亦不知何門可造請也

張忠宣教子讀書兼力農嘗督耕田中曰習勤忘勞
習逸成惰吾困之將以益之也

楊文貞年十二鄉人請爲童子師有鰥生携書過館
下邑凄甚公問故云有母不能養公曰嗟乎人孰
無母乃分其徒之半與之俾得束修奉母

陳恭愍做范文正置田賜族號思遠莊及卒族人以
公無餘貲舉用還公子載載不可曰先人置此以

行義也戴取而私之獨無愧乎

都維明博學多藝務爲諂晦偶乘興畫一梅並悔曰
有一能卽蔽一能何乃自表暴耶

孝皇朝或獻戰車之法大司空曾鑑入朝 上問戰
車可行乎鑑茫然無對叩首曰容臣查究三閣對
如初左右爲戰慄鑑色不動及退 上謂侍臣曰
曾尚書至誠他人孰不支離妄對

劉髦曾試下第歸遇澤水浮一女子髦載歸遣人送

還至則親識絕矣令婦善視伺爲擇壻婦曰渠已
無家吾亦無後正使從人未必勝君強處一室後
生大學士定之叅議寅之

黃潤玉制行不苟京有富翁僅一女招先生寓居其
家先生辭或問之曰瓜田不納履也

章文懿爲祭酒諸生充械以母病不得歸者數月涕
泣公命之歸或謂例沮公曰吾豈以遠近及護不
忍絕其母子之情

商文毅致政歸劉文安見其子孫多賢乃嘆曰某與
公同處若干年未嘗見公筆下妄殺一人宜乎子
孫若是公應曰實不敢使朝廷妄殺一人

薛西原性好施常脫綿襖施貧者或曰焉得人人而
濟之西原曰但不負此心耳

耿九疇遷鹽運使有廉聲嘗臨水坐有童子戲其傍
九疇曰此水何清也童子曰尚不如使君之清

王忠肅翔自遼東還餽遺一無所受某太監者同事

久持明珠數顆餽之曰公却吾餽吾有死矣翱不
得已受之乃密綴衣領間夫人亦不知也後太監
死其侄貧甚翱召之令買第宅其人訝問遂解其
珠與之曰值可千金饒置第也

朱裳按山東常茹素連旬無肉人稱爲長齋御史
李時勉因觀燈拾一金釵卽書其門落金釵者驗取
越數日有婦人造焉卽還之後其夫具幣往謝公
笑曰吾今索謝當不歸汝却之

薛文清嘗曰某二十年治一怒字尚不能消磨乃信
克已之難劉文肅曰某平生最受此字之害敢不
奉斯言爲師訓

咸寧令李文祥遷職方監司餽遺悉謝却之人以孟
子宋薛兼金爲言文祥曰孟子大賢必有所處吾
寧過中不敢假以自欺也

劉忠宣致政自爲壽藏記叙其平生歷履歲月刻之
石曰恐後人湓矣重我地下累耳

毛文簡澄薦賢恒如不及未嘗自言其人知而來謝則曰余忘之矣

吳廷舉平生篤友誼遊太學時南城羅玘年四十以貲貢公與之交會玘病痢從者亦死公爲煮粥餉之負之登厠一晝夜十數返不爲勞玘語人曰玘四十年前生我者父母四十年後生我者吳公也崔銑作南祭酒時旨罷歸行囊無江南一物因自笑曰人言金祭酒我今若冰矣

謝思中父死遺之以金思中語人曰吾先人詒我以
此幸得不廢當爲先人廣德音毋徒效守錢虜爲
遇朋友告匱者卽賑之

定西侯蔣義有貸其金三斤久弗能償者或曰必致
于理始可得義嘆曰始吾濟其急今霍之仁者固
如是乎卽焚其券

楊士奇婦家有壞塚世遠無遺骸術家謂葬此後必
貴欲以贈公公曰幽明一理攘人之室而居之其

得者失者皆能安乎。

朱恭靖公聞居官以墨敗者必掩面曰此耳聞之過
焉有冠裳而盜跖者耶。

御史柳彥輝貸陸坦銀五十兩不立券獨柳子仲益
知之後彥輝卒仲益戍遼陽數年赦還貧甚絲積
粒聚得銀五十兩拜坦墓納金坦子以無券辭仲
益曰若雖不知吾實知之吾翁與若翁知之吾弗
償異日何面目見兩翁于地下也。

知州江一麟陞副郎出十金令州民趙姓修官廨北
行公知所費加倍廼取銀六兩扇墨直四兩償之
其妻曰旣知十金卽當償足其數別以扇墨酬勞
公何靳此江面發赤亟喚趙以四金補之趙堅不
受江怒曰是使我不如一婦人矣趙乃受

軒輓蒞浙率三日一肉食故舊過者畱一飯至厚者
方烹一雞聞者驚曰軒憲使殺雞爲客大破費矣
粵西常廣爲御史歸貧甚居荒村故人按部廣意其

必來訪無所得饌自漁于江故人猝至騶從既過
廣容序卽走踰後垣入衣冠肅客客曰公何汙流
漬髮廣曰適在近村聞公至謁屢趨迎故耳左右
竊笑曰絕似江中打魚人

劉球之弟玘令莆田寄球一夏布球卽日封還貽書
戒之曰守清白以光前人他非所望于弟者

張悅爲侍郎有四川監司某者請教公曰川行甚險
州縣卑官携妻帑往者寔以軀命博升斗祿脫不

測舉家葬魚腹矣君輩幸毋以微罪斥去之

都督王信不營私產曰儉足以久死之後不以侈累子孫者我所遺也

馮俊爲舉子時逐什一之利于山東頗有息視所得價皆僞銀也俊悉投于河曰無陷後人

李子奇遊維揚有囚當納紙銀于官而無從出窘甚李欲周之友人笑曰揚州罰贖之人數萬雖罄家難遍也李曰不然吾及耳目中人耳安問其他

安福劉秉監講學不倦其兄沮之曰子事毋孝事兄悌奚以講學爲對曰兄視吾外可免悔尤吾視吾內猶未真切兄曰審如是老夫當率以聽

潘司空禮歸田貧甚盜夜掠之有粟數升一敝裘耳盜驚嘆叩頭曰使在官皆若公我輩安能亂

聶鳳因暴雨漂從父棺父命浮水救之棺轉而壓復躍以抱再壓再躍扶拽以歸鄒守益曰克抱棺之勇可以死孝矣

羅栗齋訓子曰富貴非一家物須要看得破

梁儉菴尚書嘗曰秀才讀書不要錢是分內事不可
向人說况欲驕人乎

胡端敏自著贊云瞞人之事弗爲害人之心弗存有
利于國之事雖死弗避三者吾將持是以終身焉

南司業劉嵩鄉試報捷悵然泣下曰柰二親何
陳白沙喪母服闋經不衣錦綉曰昔爲親娛耳

席應珍髫年卽辭家學老氏孝于母母死之後祀享

必痛泣或謂親愛既割何得徇禮若是之過應珍
曰吾法當割愛入道然世間豈有不孝神仙

胡鐸督學閩中人稱胡道學又謂小夫子同列有以
術試公者公不疑其詐久之其人曰胡公篤實真
古君子也

松郡小崑山陳氏者負人三十千不能償爲主人所
逼欲鬻其婦相持而泣有客過之問知其故憮然
曰所負多雖鬻汝婦烏能償耶吾不忍見汝夫婦

生別也贈以三千緡衣登舟不告姓氏而去

錢塘王琦五十致政不治產值歲祲冬莫大雪日

僵臥不能出門有唁者曰當路甚重公舉一言何所不濟乃自苦如此琦曰吾求無愧于心耳心無愧饑寒無不樂也

尚書楊勣德冠一時隣家構舍其柵溜墜其庭公不問曰晴日多雨日少也又或侵其址公有晉天之下皆王土再過些兒也不妨之句

薛遠歷官大司馬家無長物食無兼味室無媵妾曰
少吾事親不足今安忍有餘

吳文定在吏部以喪歸過西偏一曲諸姪姪奔避公
語驕從曰彼亦貧迫不得已耳吾旣不能濟而革
之安可沮其糊口計耶回車迂行戒勿行此

盛寅嘗夢有寄樹于家者急欲樹遂私發用之寤而
目訟曰豈平日義心不明以致此耶竟三日不餐
景陽與張貢約爲婚貢旋死賜曰禮聘未行已心許

矣恐負吾友于地下乎召其妻之一女以葬
其友潘準曰可使景文不平乎願字吾子焉乃求
姊以從曰庶吾女有所歸壻亦不至無以爲家也
張寧晚年無子禱于家廟曰寧何陰禍至辱先人傍
一妾遽云誤我輩卽陰騭耳公卽日嫁者數人
曹芻爲泰和典史因捕盜獲一女子甚美目之心動
輒以片紙書曹芻不可四字火之已復書火之如
是者數十次終夕竟不及亂

陳茂烈奉使廣東所司致贐乃謝曰我窮時嘗授徒
兩臬司尚不欲規利于人況今日耶

梁文康入仕至歸老附郭不增寸土廣州貳守沈尚
經曰順德南海番禺梁厚翁無百畝田所有者香
山浮坦從化賊巢瘞蔽不食之土耳

楊文定謙謹小心吏卒亦不敢慢嘗曰士君子一言
一行幽明無愧然後無負于父母生身之恩

或問楊文貞平日所行曰不能爲善亦不能爲惡

有樂如已之樂有憂如已之憂而已

陳祭酒敬宗遇僚屬諸生極嚴有懷忿而訟之者周
文襄謂公當具疏辨雪因代爲具草多遷就之詞
公見之驚曰無乃欺君乎或笑曰在法惟奏事不
實耳公曰被誣事小欺君罪大乃具實以聞

廣文李謨不受贄諸生莫鉉者取古畫求楊尚書翥
題咏贈之謨曰如此使我市名矣錄詩還其畫

楊斛山爲御史一載欲告歸侍養其友止之曰御史

三載則得封典何不少待公曰菽水之懽天性之
愛古人不以三公易一日之養吾志決矣

祭酒李時勉坐困首木于太學幾斃太學生石大用
草疏請自代同輩沮之大用奮然曰朋友急難詩
歌鵲鳩况師乎

江彬恃寵驕縱府丞寇淦水調不爲禮彬銜之日偵
公無所得偵者竊謂公曰提督將不利于公可一
往謝公曰死生有命豈人可爲若得禍則死可免

廬陵孫鼎督學南畿每閱諸生試卷雖燈下
亦必衣冠焚香朗誦而去取之侍者請先生解衣
曰士子一生功名發軔于此此時豈無神明在上
與各家祖宗之靈森列左右小子豈敢不敬

唐六如在家絲毫不苟其詩有閑來寫幅青山賣不
使人間作葉錢之句

蔣牲中爲給事歸甚清介嘗駕一小舟入城遇潮落
船不得進二僕牽挽蔣自刺船大爲他舟窘辱二

僕屬聲曰此是蔣給事爾無橫也蔣叱家人曰休哄人此處安得有蔣給事

張簡肅爲郎中有屠人告衙隸易公銀者同官詰之曰焉知非張衙銀乎屠叩首曰張衙惟有俸銀

蜀劉翁某樓夜有盜入翁曰有米十餘升君可取去肯畱一升旦日餉二子幸矣後盜遇翁問曰公曾被盜乎曰無也曰取公米公曰畱一升有之乎曰無也曰盜卽我也公盛德若此忍取公米乎悉還

之翁曰實無是事耶受君不卒却之

陶大臨內艱箬于棺陸武惠遺之美材可百金公返其直不得後抵京武惠死夫公呼其子繹授直曰吾以不欺志也

有以書示文徵仲鑒定者雖贗物必曰真蹟人問其故先生曰凡買書畫者必有餘之家此人貧而賣物待此舉火我一言阻之舉家受困矣

徐中行居官貧士有所干請度力不能徇強應之曰

三言詩言
奈何令客有慙色

俞中丞諫文徵仲年家也念徵仲貧而才欲遺之金
謂曰若不苦朝夕耶徵仲曰朝夕饘粥具也俞公
故指徵仲藍衫曰敝乃至此乎徵仲佯爲不悟者
曰爾輩敝吾衣耳俞公竟不忍言遺金事

垂學士察嘗言吾有五不欺一不敢欺天二不敢欺
君三不敢欺親四不敢欺友五不敢欺民

三問念文春秋高疏改南部便恭其文不誤行

乃承命繪扇三十握握書一詩日月日一易之如
吾日侍也

麻城劉莊襄贈翁仲倫家貧初婚之夕有倫兒入室
公起視乃素識者公曰乃汝耶卽檢夫人首飾數
件與之命速去許以不言垂老夫人問爲誰公曰
業已許不言柰何問及

楊椒山在獄時有吏應生者頗爲周旋尚書屢禁之
勿爲動又欲自具草申救故椒山嘗曰藏予血三

年而碧者卽地下必有以報應生

萬士亨士和舉進士其父古齋公每遺書曰願若輩
爲好人不願若輩爲好官

允安禮命其子酒掃執簪問曰大人地從何處掃起
都穆初任南武庫郎啟土得千餘金曰吾聞非其有
而取者殃及其身與其得金致禍孰若棄金就安

卽上疏降旨畱武庫公署

趙樂善守肇慶携二端硯歸有譽其廉者趙曰吾清

獻自撈一硯。吾實取二心愧多矣。人呼爲趙雙硯。
陸平泉初姓林。會試時王華爲松守。夢城墮庭下。皆
保林。言人間之名樹。聲明日召林外父李。問曰。汝
婿平日何爲。李曰。只是不苟。是科平泉會試第一。
孫忠烈被難。長子伯泉。啗指吞血。枕戈赴義。志殲逆。
藩以畢先志。後官都督。哭母而歿。

楊二山性至孝。爲吏。侍時。每朝祭畢。閉門謝絕。拜謁。
傾服。侍母側。盥漱。扈盂。搔摩。扶掖。無不親之。春日。

爲村裝負太夫人迤邐行花叢中華婆香蔭歡娛
竟日

溫一齋撫浙尊人在宦邸無與爲歡公父子自娛晨

昏輒奉手談數局對酌大醉

以爲常

廣東張連倡亂犯漳郡諸生汪一清被執賊又執一

婦人至汪視之乃友人妻也因絕賊此等妹請無

汗之以待贖不則吾與妹俱碎首于此矣賊令汪

及婚并置一空室昏旦相對月餘贖贖

羅一峰家居偶畱客飯不知絕糧也夫人乞隣得糧
粟數升旋炒旋脫日已西矣一峰曠然不以爲意
羅僉欲買義田贍族進賢令呂升以堂食錢助之羅
不受曰食以堂名非公可得私者

常熟徐驥父時蓄鵠父穉之遂爲志于學後父亡遇
鵠飛鳴必思親訓涕泣不已人稱爲泣鵠先生

王良冬至親所親有無務盥凉水乃痛哭曰良爲
人子今親天寒盥凉水而不知也尚得爲人子遂

出代親役入奉養惟謹。

錢鶴灘請告門生某守維楊遣使迎公越恭不赴後
始一至諸大賈爭先迎謁公曰病夫來看廣陵濤
冀有起色并一問瓊花消息耳無心跨鶴也遂潛
歸太守追之不得

甲瑤泉承壯而仕太艾而相未耆而歸勇退于急流
大隱于囂市適適爲園休休爲菴署其堂云有賦
歸來順四時成功者退心無毀譽同三代直道而

行海內傳誦

臨江守錢有罪

上震怒亟欲正法吳門相公曰守

固可罪第卽其郡戮一守如政體何爲一守停刑
數年真仁人用心也

張洪陽曰我無是心而人疑之於我何與我無是事
而人誣之於我何慙縱火燒空何處着熱風波滔
湧虛舟自開

豫章張相公曰貧莫誇儉富莫誇康居勢要莫談無

宦情處山林莫談負經濟

焦竑曰吾鄉自耿天臺倡道以來多向學者李逢陽
楊希淳爲魁桀李以敦篤勝楊以透脫勝皆彬彬
君子也兩人生同地學同方歿同時亦甚異

王思質忤分宜下獄多方苦之獨楊比部道亨視獄
延款慰存寬其桎梏或以分宜威勢撼公弗爲動
金陵史忠人呼爲史癡女并當嫁壻貧不能具禮史
詭携觀燈同妻送至壻家取笑而別

言語一

太祖欲殺一犯法者東宮欲宥之 太祖問刑部郎

袁凱對曰 陛下法之正 東宮心之慈

上虞謝密菴得罪 太祖親鞠之謝抗言文華殿非
用刑之地 陛下非問刑之官願下法司

周玄素善畫 太祖諭曰爲朕審天下江山繪于殿

壁玄素對曰臣未嘗遍歷九州不能奉詔惟 陛
下賜草規模臣謹依潤之 太祖卽操筆倏成大

勢玄素對曰 陛下山河已定豈能復動

太祖微行至其寺見一僧治饗問曰爾僧耶有度牒
否答曰真和尚不用度牒真皇帝不用玉璽

太祖召浦江鄭濟至京嘉嘆其家法厚賜遣還 高

后曰他食指千餘人欲爲 陛下事何所不能

太祖隨復召問汝家十世同居何以得此濟春曰

惟不聽婦言耳 太祖大笑遣還

宋濂在 上前所陳說不爲文飾隱蔽雖問及家事

亦一一道之嘗曰君猶父也天也其可欺耶

國初郊祝文有予我字 上怒將罪作者桂彦良進

曰湯祀天曰予小子履武祭天曰我將我衛儒生

泥古不通煩 上譴呵衆得釋

王天爵舉賢良 高皇問何以治州縣對曰首要得

民心又問何以治郡對曰戒左右無爲州縣擾又

問何以理藩司對曰臣井陘無遠大之識不敢強

惑 聖聽 上曰謙而婉天爵之對也

新昌梁孟敬國初應聘修元史成遂乞骸骨日與二三野老婆娑丘樊野老曰吾輩脫戰征之苦享太平之福何以祝吾君孟敬舉手曰願吾君恭已九重存心四海擴天理而過人欲進君子而退小人野老曰愈千華封三祝

高帝鼎成建文卽位燕王來奔喪而不哭謂已叔父行也給事中龔祿安奏曰象簡朝天殿下行若臣之禮龍衣拂地宮中叙叔侄之情

駙馬梅殷守淮南北 文皇正位罷兵入見 上曰

都尉在軍無乃勞乎對曰勞而無功徒負愧耳

解縉幼時巍然有碩大之望嘗自謂曰處其心常在
熙春霽日之間則天下無可惡之人

白昂威遠士俱鄉先達胡忠安公問處世之要胡曰
多栽桃李少種荆棘

文皇論平交趾功詰其原言曰陞與賞孰便對曰賞
費于一時有限陞費于後日無窮多陞不若重賞

文皇北征命 太子監國 上問監國事楊士奇言

太子孝敬仁明每進御用物皆親封識車駕北
征不敢寧居駕還始卽安 上曰此子道當然士
奇對曰古聖賢亦皆盡其當然者耳

成祖偶宣二三給事中至榻前詢其姓名其一對曰
臣姓黃名某由進士出身除給事中 上曰何用
縷陳對曰幼讀魯論對后不可不詳

仁宗嘗問院判蔣用文保和之要對曰在養正氣正

氣完和氣無自而入。又問卿醫效遲速何如。對曰。善治疾者必固本。急之恐傷其本。聖人所以戒欲速也。識者知用文以醫諫。

正統初因旱蝗令大臣自陳衆欲歸田以謝天譴吏書郭璉獨以爲不可云非是貪位但主上幼冲吾輩皆先帝簡任受付托豈可輕去只宜戴罪修省以回天意

李賢啟 英廟云聞陛下夏不揮扇冬不近爐果

然否 上曰實然賢奏曰 陛下聖質所稟堅厚
如此蓋由體備中和之氣聞宋仁宗亦然臣等受
氣薄者不用扇不近爐不能過也

廣西帥府一鄭牢者老隸也性鯁直敢言山襄毅鎮
守日進之曰世謂爲將不忌貪矧廣西素尚貨利
我亦可貪否牢曰公初到如一新潔白袍一沾汗
點墨終不可湔也公又曰人云土夷餽送之物苟
不納彼必疑且忿奈何牢言居官黷貨則朝廷有

重法乃不畏朝廷反畏蠻子耶

章文懿嘗言學者奉身不可好華侈苟好華侈必致貪得他日居官決不能清白

于少保扈從征高麗罪人既得宣宗命公數其不軌辭嚴義正矢口而成大稱上旨

宣宗御經筵翰林進講二老歸文王章問曰伯夷太公皆處東海而歸文王及武王伐紂太公佐之伯夷叩馬而諫所見何以不同講官對曰太公以救

民爲心伯夷以君臣爲重 宣宗曰太公之心在
當時伯夷之心在萬世無非爲天下生民也

宣德間楊文貞退朝閉門謝客楊文敏頗通請謁

上責文敏曰卿何不恤外議文敏頓首曰臣日侍
彤庭與天顏相接他人欲見而無隙若不啟門納
天下士兵民休戚孰得而知

英廟患官軍俸闕李賢曰自古國家最患冗食今官
軍有增無減如人只生不死無處着矣

蘓州守朱勝清介嘗言吏貪吾詞不付房獄卒貪我
囚不下獄隸貪吾杖不輕決

楊善使虜也先問 上皇回更臨御否善言天位已

定難再易也又問古堯舜事如何善言堯讓位于
舜今日兄讓位于弟正合古堯舜事

也先設宴餞上皇楊善侍也先令善坐上皇亦曰
從太師言坐善曰雖草野不敢失君臣禮

劉忠宣以戶侍出經畫戎政或曰邊糧草半屬京貴

子弟此行剛且取禍公曰處天下事以理不以勢
定天下事在近不在遠俟至彼圖之

錦衣指揮劉敬因石亨連坐有謂敬曾邀亨至直房
同飲欲坐照黨韓雍曰亨得志時誰不蠅聚其門
若以一飯坐罪則曾赴宴會者何以罪之

英廟召王忠肅入文華殿顧問畢見其衣後穿笑問
其故公對曰臣適在部衣此聞命遂不及易臣聞
命召不俟駕暇易衣乎

孝宗朝有上言山西石膽子益壽者命中官採求經
年不得時王維爲憲使中官曰其物載書中何云
無也王曰鳳凰麒麟古書所載今果有乎

桑悅調州博士丘文莊贈牡丹一種戲曰後當遷洛
陽令對曰明公知未形事豈已飲上池水乎

蔣瑤守維揚武宗南巡有旨取瓊花以觀公奏曰
此花生于某年爲瑞應至徽欽北轡此種已絕今
止存其名耳上默然

禮侍葉盛轉吏侍禮書姚夔設宴鄭重因曰敝鄉親
友干謁者衆煩公垂念葉唯唯亡何姚進太宰葉
携酒往賀執盃獻于姚曰今日送鄉里還先生矣
康海語劉瑾曰天有夏必有冬以歛之有雷霆必有
雨澤以濡之今公威則震矣而恩未舒宜思消長
之道瑾憮然曰真吾兄也未有以此言告我者

胡槩巡撫江南用法嚴刻周忱濟之以寬凡告訐輒
不省或面訐公不及胡卿公徐答云胡卿勅書令

其祛除民害我勅書只令撫安軍民委任自異
舉人王琰嘗以史中諸疑悞質之薛文清如宋太祖
授受事公尋思曰多聞闕疑若此闕之可也

楊守陳語徐少詹曰平昔才無半斗而喜作文飲僅
可數合而喜與賓客燕酣行不能里許而喜游陟
今皆不復爾入朝班滿前皆少年新貴人獨以白
髮青衫廁其後雖未謀引去宦況已索然矣

儲瓘疏薦謫籍遺才丁璣張吉王純敖敏元李文祥

曰與其旋求敢諫之士不若先用已試之人

或言有善讀書不善做官者張悅笑曰此不善讀書耳豈有導書本行而誤者耶

弘治間雲南晝晦五日朝命考察雲貴官員林見素
疏災之由繫朝廷不在雲貴在大臣不在小臣
弘治中周文端經爲吏侍上言時政中有黜樂戲一
事尤激後有蹤跡爲此草者以問尚書耿裕曰宜
以實對耿曰吾爲尚書不宜他諉

張懿簡鵬嘗戒僚屬曰處事不患不明患不公耳公則何事不可爲

布衣沈鑒能記誦放言自康人目爲沈落魄或問云今居大位享大福者必有學問有學問者多貧賤無福何也鑒曰有學問便是福何須富貴

張鉞令清苑有廉名監司旌異之因戒之曰汲水于盎始非不澄澈久之鮮有不腐者爾信廉夫蓋保其終張抗聲曰水可腐鉞不可腐也

陳循爲首授學士陳文欲援引以進循難之文營于
他所 英廟語循曰閣下缺人辦事陳文如何對
曰文固宜但少歷練欠老成耳文知之請循曰先
生不能援人又于 上前沮之何也循曰此言密
通公何由知然則歷練老成者異未至也

余肅敏爲戶部郎嘗有兩勢家爭田未決部檄公理
之甲以其地名與己姓同以爲其家故產公曰然
則張家灣張產耶

逆瑾欲罪平江伯陳瑄之子李東陽。謂瑄有漕運大
功。金書鐵券。子孫免死。瑾曰。國初功臣如常遇春。
輩有百戰功。今子孫已衰。况瑄不從。廝殺。罰何足
惜。東陽曰。漢高親定十八侯。位次以蕭何第一。何
但供給餽餉。不絕。遂爲萬世功。設當時餽餉不繼。
雖百張良。十韓信。豈能助漢。陳瑄通南北漕運。每
歲四百萬石。至京師。誠國家萬世之利。瑾默然。
章楓山以僉憲考績北上。遂乞解官。時冢宰尹旻慰

賈之曰不罷軟不貪醅不老疾如何可退先生對
曰古人正色立朝某之罷軟多矣古人一介不取
某之貪多矣古人視民如傷某之醅多矣年雖未
艾鬚髮蚤白亦可謂老疾矣尹爲之動

劉文靖去國杜門謝客然聞六飛出將終日不樂曰
古人處江湖則憂其君况嘗備位大臣者乎

喻時初第王肅敏延相見其文而善之意不欲公外
補公對曰必不我也誰當外者王奇其言

莫桂洲曰朝廷設言官當取其風裁不當取其德其
當取其慙直不當取其䟽通當取其有廟廊珪璋
之器不當取其有簿書鹽米之能

高岱嘗論正德間逆瑾之亂政漢十常侍唐甘露之
黨也河北山東江西四川之寇漢黃巾唐黃巢之
亂也實鑪宸濠之稱兵漢七國晉八王之孽也江
彬之握柄漢何進召董卓之釁也備是數者而國
猶磐石乃知天命有在

趙大周在京師何吉陽問曰大周近來何故全不講學大周曰不講吉陽又問曰若不講何所成就大周應曰不講就是我成就處

劉瑾欲殺李夢陽康海詣瑾曰昔高力士寵冠羣臣且爲李白脫靴公能之乎瑾曰請卽爲先生脫之海曰不然李夢陽高于李白數倍海固萬不及一也下獄而公不救奈何瑾曰聞命卽當斡旋矣

李夢陽刻張鶴齡有云 陛下待張氏者厚矣 上

震怒下錦衣獄劉德從容請其訣上曰他直呼

不~~可~~皇后爲張氏德曰張氏指鶴齡也昔漢人曰爲

劉氏者左祖宗人曰趙氏安而苗氏危夢陽所云

若曰張家天顏悅

正德中楊文襄嘗言今日務在省事不在多事在守法不在變法在安靜不在紛擾在寬簡不在煩苛儲瑾荅林待用云平世用人多循資格感公意欲以積薪待僕不知當路之見正如太倉之放陳也

王陽明中會試同舍有以不第爲耻者陽明慰之曰
世以不得第爲耻吾以不得第動心爲耻

世廟金極之日御龍袍頗長上俛視不已大學士

楊廷和奏云陛下垂衣裳而天下治上悅

張孚敬欲撤天下學宮聖像徐階爲編修抗疏爭之
孚敬曰有一毫不似吾親卽拜他人矣階曰有一
毫似吾親庸可棄乎孚敬聲色俱厲曰若叛我階
曰叛起于附某素不附明公何得云叛